



A las adressatas ed als adressats
tenor la glista da distribuziun

Cuir, ils 30 da november 2009

Consultaziun tar la finanziaziun dal turissem dal Grischun: lescha davart la finanziaziun da las organisaziuns turisticas (LFOT) e lescha davart l'armonisaziun da la finanziaziun dal turissem (LAFT)

Stimada dunna

Stimà signur

La refurma dal turissem grischun è fin ussa – integrond fitg bleras acturas e fitg blers acturs – il project il pli grond ed il pli impurtant en connex cun las structurass turisticas dal Grischun. Cun structurass effizientas sco er cun ina repartiziun raschunaivla da las incumbensas, cun s'orientar a novs giasts e cun ina finanziaziun solida duai il turissem grischun daventar pli cumpetitiv sin plaun internaziunal. En tut las regiuns dal chantun vegnan actualmain furmadass novass structurass. Las passa 90 organisaziuns turisticas vegnan unidas ad organisaziuns per la gestiun da destinaziuns (OGD) efficacias ed ad organisaziuns turisticas regiunalas (OTReg). Cun mesiras accompagnantas vegn sustegnida la creschientscha da l'entir turissem grischun.

Cun ina nova taxa turistica duai vegnir introducì en tut il chantun Grischun in sistem da finanziaziun per il svilup turistic e per il marketing turistic intermanaschial.

Gugent As dain nus l'ocasiun da prender posiziun davart il sboz da la lescha davart la finanziaziun da las organisaziuns turisticas (LFOT). Il medem mument As vegn preschentada sco varianta ina lescha generala (sboz da la lescha davart l'armonisaziun da la finanziaziun dal turissem LAFT).

Per la consultaziun As stattan pia a disposiziun ils suandants documents:

- il sboz da la lescha davart la finanziaziun da las organisaziuns turisticas (LFOT);
- il sboz da la lescha davart l'armonisaziun da la finanziaziun dal turissem (LAFT);
- il rapport explicativ che preschenta en moda cumplexsiva la situaziun da partenza cun il sistem da finanziaziun vertent sco er tut ils elements da la refurma dal turissem e da la nova finanziaziun dal turissem;
- in questiunari, cun il qual Vus pudais dar in curt giudicament davart praticamain tut ils elements da la taxa turistica.

Quests documents pudais Vus consultar sin la pagina d'internet dal departament d'economia publica e fatgs socials (www.dvs.gr.ch → *Rumantsch* → *temas/projects* → *consultaziun*) e chargiar giu u retrair en furma da palpieri tar l'uffizi per economia e turissem (tel. 081 257 23 42; e-mail info@awt.gr.ch).

Nus As supplitgain d'ans trametter Vossa resposta da consultaziun fin il pli tard ils

31 da mars 2010

Nus As essan engraziaivels, sche Vus duvrais – per prender Vossa posiziun – en spezial il questiunari ch'è previs per quest intent e sche Vus ans tramettais Vossa resposta per e-mail (info@awt.gr.ch). Uschia ans facilitais Vus l'evaluaziun.

Per infurmaziuns As stattan a disposiziun Eugen Arpagaus, manader da l'uffizi per economia e turissem dal Grischun (eugen.arpagaus@awt.gr.ch, tel. 081 257 23 77) u Michael Caflisch, substitut dal manader da l'uffizi (michael.caflisch@awt.gr.ch, tel. 081 257 23 73).


Jau As engraziel per Voss interess vi dal project sco er per Vossa collavuraziun.

Salids amicabels

DEPARTAMENT D'ECONOMIA

PUBLICA E FATGS SOCIALS

Il schef:



Hansjörg Trachsel,
president da la regenza

Adressatas ed adressats**I. Autoritads e partidas chantunalas**

- tut las vischnancas
- tut las corporaziuns regiunalas
- tut las partidas chantunalas
- tut ils departaments
- chanzlia chantunala
- controlla da finanzas
- incumbensà chantunal per la protecziun da datas

II. Organisaziuns pertutgadas

- tut las organisaziuns turisticas
- telefericas dal Grischun
- uniun purila grischuna
- uniun grischuna d'artisanadi e da mastergn
- las regiuns GR
- gastro Grischun
- Grischun appartaments
- Grischun vacanzas
- societad grischuna da las impressarias constructuras e dals impressaris constructurs
- chombra da commerzi e federaziun da las patronas e dals patrons dal Grischun
- hotelleriesuisse Grischun
- cuminanza d'interess per il turissem en il Grischun CTG
- Viafier retica SA

III. Ulteriuras organisaziuns

- federaziun svizra dal turissem FST